



邊華泉集下卷

歷下邊貢庭實著

七言律

和東翁家訓為整菴相公作

封事休將入 帝宸致身安得自由身
書廻梓里家無恙望重文昌 國有鈞金馬
久期黃閣老碧山常對白頭親
深憐問寢趨朝夢半在昏鍾半在晨

人日有懷白巖侍郎

去年人日題詩處鄭氏茅堂春可憐
出谷早鶯啼恰

恰映風寒竹倚娟娟隨 鑿並入青雲上解珮同歸
素月前此日寂寥驚旅食坐看庭雪撫流年

正月十日

城上旌旗閃夕光城邊戈甲儼龍驤郊門月上游塵
靜輦路春回細草長千古再逢周禮樂十年曾奉舜
衣裳 行宮只尺天俱遠愁見林鴉接翅翔

至日恭聞 車駕入都志喜

至日連年 帝遠征今年至日喜還 京登歌想像
聆周雅振旅傳呼列漢旌 皇祚永占千歲曆 聖

聰明照萬方情靈臺舊職今誰掌不用書雲紀太平

立春日

多病逢春筆懶拈草堂高枕靜垂簾故人恰送魚酒
至野老不愁年歲添冉冉雪雲虛照水暉暉晴日乍
經簷啣杯自笑還成醉吏隱誰能得兩兼

元日次灤江中丞韻

伏枕驚看歲又新卧聽街市響蹄輪樽無白酒元因
病屋有青山不當貧向晚雲霞偏弄色得時梅柳故
爭春閉門可是其肥遜懶效東西南北人

春日王監察天宇過訪留酌次韻

豸冠春訪薜蘿衣
晴日池臺燕子飛
心為感時偏耿耿
話因談舊轉依依
閑過別院題青竹
却望南山指翠微
欲問野夫棲隱處
九槐溪上一柴扉

寒食郊行

來家曠前春可憐
空山遲日起晴烟
柳枝嫋嫋翠猶弱
花蓋菲菲紅且妍
荒隴歲時還俎豆
短墻兒女正鞦韆
青年竹馬歡遊地
華髮經過思惘然

冬至長陵即事

中峰隱隱下朝陽
複嶂層厓啟曙光
觀闕昭迴森象魏
河山表裏奠金湯
陵門月映千年樹
寢殿風飄五夜香
長至祠臣竊供奉
擬書雲物紀靈祥

萬壽節

綵仗凌風啟曙烟
翠華含日俯晴川
遙憐外閭稱觴地
恰是西江獻捷年
蟠錫共懽恩似海
凱歌齊祝壽同天
微臣亦有迎鑾曲
願奏君王玉几前
壽春劉守希尹言
念故鄉有拂衣之興
奉問恨別君今憶舊山
感時予亦念鄉關
天涯岐路幾回

首歲暮風塵多苦顏方朔久踈金馬詔李鷹終為玉
鱸還江城紫翠群峯霽望極春雲杳霽間

送丁考功秉憲之關中

鶯花如錦豸袍新建節西行及好春周禮職方分二
陝漢都形勝說三秦天浮紫氣函關動雨洗青蓮華
岳真藻思還應有神助詩成先寄故鄉人

中元陪祀 孝陵

千谿環合萬虫吟 陵邑秋回碧草深香度石壇雲
暝藹鍾流山殿氣陰森乾坤 聖祖經營力霜露

文孫感愴心惆悵禮臺供奉客黑頭今已二毛侵

入壇馬上次月岩韻

樓頭鍾散曙煙微城上旗翻曉日輝雙馬共依南陌
度群鴉爭入上陽飛離郊薦歲先農事甲帳屯雲護
帝畿三載太常無寸補敢言身跡與心違

春日有懷空同李子

南中數枉故人書北上蹉跎信轉踈四海酒盃形影
外十年詩草夢魂餘藏身咲我同方朔作賦憐君過
子虛春入吹臺芳草徧塔雲樓月近何如

次獻吉留別韻

初春郊甸積雪滿客子出門岐路長征車杳杳去不
息關柳青青愁未央却望泰山懷故道即歸梁苑亦
他鄉十年京洛交游地日夕風烟思渺茫

次韻寄劉銅仁

地闊天長柰爾何春風門巷少經過遙憐白髮星星
短無那風塵日日多懷舊獨吟平子賦感時偏憶少
陵歌江村細雨蘼蕪長是處扁舟有釣蓑

次韻書懷答吳東昌元亨

興如張翰在蓴鱸愁似三閭為大夫桑梓旋開樵父
逕夢魂稀到帝王都病登山閣心黃鵠淚洒丘園
掃綠蕪群盜不休戎馬亂厭聽州郡說飛芻

奉次畢司空與客對奕謝答張侍御惠酒之作
是日司空招予出城不及赴

灌木陰陰曲繞塘水風如雨細生涼繡衣家醞携蕪
至太傅圍棋興轉長簷局晚移文石靜荷樽秋泛露
華香爛柯欲步王樵武惆悵仙踪隔苑墻

除夕卧病東空同李子

天涯卧病驚除夕河上逢人感昔遊歲月浮生雙鳥翼風塵遠道一狐裘君還豈為鱸魚膾我出真同雪夜舟梅蓋柳條俱動色幾時携杖並登樓

次聯句韻留別諸友

荆鄂相望一水間早秋為別仲秋還乾坤去住真如寄車馬馳驅不暫閑白帝城頭烽火急黄牛峽裡戰旗殷江陵舊是襟喉地蜀道東來第一關

送王本一如遼陽

壽君無奈別情何五日生朝客裏過心逐暮雲通漢

微夢隨春柳渡遼河重關複嶺狼烟接絕漠平沙鼠穴多應有大篇吟出塞不須停馬問干戈

人日荅何李二子見懷之作

夾道烟花十二樓大梁歌吹古名州當年尚憶愁中過此日那教病裏遊司馬調高真寡和謫仙情重若為酬青燈白髮春堂晚卧歎年華似水流

送陳靜齋南歸

泛梗流萍少定踪此歸何地卜相逢客帆未掛三江月鄉夢先過五老峯山水久應懷六一廟堂終擬

召夔龍極知離合關交誼莫恠臨岐別思濃
奉送少傅邃菴翁節制三秦

三十年来四入關土人迎拜想開顏風雷晚送蛟龍
雨藜藿春藏虎豹山已遣北門歸鎖鑰更從西海弄
潺湲寥寥蜀相千年後伊呂誰當伯仲間

寄南宗伯白巖

神仙官府說南畿聞道春曹事更稀庭轉晝陰移樹
影印封秋雨上苔衣臺城柳暗宮前路別墅碁殘石
上圍台斗位懸朋輩少與誰同賞復同歸

濟寧候文鳴中丞不至却寄

遠傳開府駐任城北上樓船趙日行梅信鴈隨千里
使羽書春散兩河兵青青凍麥侵沙吐縷縷晴雲隔
浦生三夜月明虛鎖纜倚蓬西望不勝情

次沈右史歸興韻

敢將勛業比韓休已把行藏附許由秋度碧雲悲嶺
鴈晝眠寒水羨沙鷗愛閑數到郡東寺望遠時登江
上樓欲訪庭闈問消息南風何日送歸舟
紅心驛坐兩有懷臨淮吳茂宰

山店蒼茫風雨辰驛樓鳴鼓駐行賓盤渦似有蛟龍
鬪入舍翻疑鳥雀嗔心是子牟還魏闕迹非公幹且
漳濱孤吟却憶吳明府逆旅相逢意頗真

戲東黃允叔太常

清河水西黃奉常五年身不到巖廊誅茅小築憑虛
閣臨水新開注易堂已許白雲隨杖屨更招玄鶴伴
壺觴金陵送客初停駕借問新醪幾甕香

喜蒲汀少宰卜隣

紫宸西畔白門東鷄犬相聞巷陌同家遠正須君作
侶病多無奈我成翁池光應月虛含凍柳意歸春弱
裊風珍重雪泥鴻爪迹翻飛回首五雲中

晚坐仍次前韻

碧柳陰沉覆古槎黃昏時見月籠沙漁梁曲曲深相
護賈舶鱗鱗迥不遮燈影夕懸城外塔水痕晴落岸
邊衙前溪子夜歌聲裊風景依稀似若邪

送鍾給事奉使廣西便家省覲

五色宮袍照驛槐曉辭青瑣暮金臺庭闈夢遠先
舟到諫議情多有疏來仙旆遠從荒服過慶筵重對

海門開石船山下黃梅雨添取恩波入壽盃

送趙主簿兼柬同年呂稽勳仲仁

梁溪渺渺錫山蒼南去天涯客路長
霜下海門潮漸落雨深江甸橘初黃
城池舊識延陵郡風俗猶傳太伯鄉
却見吏曹憑寄語一年秋色負重陽

次韻送汪少宰閒齋進賀北上

皇居穆穆九關開有客乘槎萬里來
宮月夜明鵲鵲觀江雲秋繞鳳凰臺
金魚待漏還通籍赤鳥凌空不染苔
珍重麥丘三祝意等閑休當祖筵杯

送後渠崔司成致仕歸安陽

盧龍山畔菊花明一片歸帆五兩輕
風入暮林稀靜葉月明江雁帶離聲
尊前舞袖娛親志袖裏封章報主情
六館有人爭請闕願從天子乞陽城

奉次梧山李司馬韻送別七重文學之都昌王府文學者司馬弟也

碧殿朱門地不寒楚山蘄水足游觀尊開醴酒時
應醉饌出江魚日可食作賦豈勞傷賈誼獻書休擬學
嚴安草亭身世義皇上一榻清風竹萬竿

羊公祠次韻留別憲之元之二都護

秋風繫馬意如何三月荒祠兩度過落日大江元自
永青山片石為誰磨愁連西北兵戈滿思入前朝
感慨多却望鹿門懷昔隱無端歸興繞烟蘿

次韻留別貞菴

陰陰汀樹起秋烟冉冉溪花接暮天歸鳥獨衝淮甸
雨離人新上汶陽船病餘藥物存芝朮老去心情托
簡編他日會傳招隱賦緘封應寫渡江年

送馮有孚歸瓊州省覲兼拜掃先壠却赴江州

監稅

北風吹浪擁仙槎行盡區寰到海涯萬里飛龍天
上闕五年歸鴈夢中家瓊枝翠結秋墳草鉄樹香生
夜宴花回首潯陽旌節地不同司馬聽琵琶

教場晚酌次登宇韻

百尺丹梯向晚登將臺高處碧雲層旌旗照水開相
對睥睨凌霄醉一凭天外忽聞歸樹鳥月中遙見入
山僧深憐散帙投壺地夜榻秋衫白露凝

次韻送黃伯固進萬壽表如京

鳳紀初開 萬壽辰龍箋遙集九州臣同憐建業生
還客獨是先朝死諫人天拱 闕庭周道遠日臨
旌旆漢儀新 彤墀拜舞霑 恩地已隔三迴 黼
座春

送梅軒蔣司徒致仕歸湘源

奕奕家聲遠近知士林誰不仰連枝三台八座同昇
地綠野青山獨往時草 制即煩親弟手賜環真荷
哲王私江湖 廊廟俱傷別萬里秋風兩鬢絲
齊河館中阻雨與二三君子宿別

牖風廊雨橫復斜雖有屏障何由遮風勢盤盤偃庭
木雨聲淅淅飄簷花古人逆旅豈貧賤遊子長年違
室家呼僕吹燈照行李載書却悔同張華

送郝文範豸史謫温州節推

萬松深護理官衙嵐翠陰中閱歲華策馬暫拋臺府
印登樓常眺海門霞六朝秀句憐康樂四海名山說
永嘉落落曉星雲霧裏斗牛何日轉仙槎

送華山人歸無錫次聯句韻

碧林斜日照歸鞦馬上人如畫裏仙江館夢魂淮甸

兩水鄉樓閣惠山泉書成寄友重題字詩到尋僧不
問緣聞說隱君生計好五湖烟浪一漁船

次韻贈別羅子文同年

白馬青衫杏苑東醉遊曾記往年同不愁花盡三春
雨長恨蓬飄萬里風短札幾回傳嶺外片帆何日到
閩中南樓素月懷人處夜夜憑闌向遠空

次韻送省菴劉太守赴銅仁

萬里南臨瘴海春倦遊心事苦吟身舟中翠羽移家
遠枕上江雲夢闕頻津吏挾書隨露冕洞徭拋努

拜行塵花開花落年年事莫問玄都觀裏人

送秦國重郡博

涿鹿山前問涿州華陽臺下水悠悠名高北斗傳新
教思入東吳感舊遊三館月明壇杏晚兩堦雲影市
槐秋漢家儒術稱楊震聞說登朝已白頭

送吳少叅懋貞梨雲軒賦

離宴逍遙不出城梵堂燈火坐冬晴風圍玉兔寒生
暈水咽銅龍夜有聲兩月瑣闥慚晚步十年詞苑托
高情相思莫更尋瑤草漢曲春回杜若生

送顧明府之聊城

上春行縣出東疇桑葉萋萋喚乳鳩
道左壺漿迎父老雲中冠蓋識君侯
魯連箭滅遺書在微子城荒故堞留
攬轡可應空吊古土風先為達宸旒

送柴廷相少尹之無錫

北客南行路幾何宦情鄉思渺烟波
舟中暮雪經吳苑江上春衣試越羅
懷遠漫愁山閣迥課耕應愛水田多
十年舊事悲重省休對青松賦女蘿

送張本貞赴常熟尉

瓜步秋風曉放船岸頭人說是登仙
官居地接三江日國士名收十載前
行縣每將玄鶴伴散衙時對古松眠
憑君為報錢工部寄我東湖縮項鱸

次韻送都玄敬二首

秋江浩浩夕波寒秋岸離離木葉丹
南北路岐頻駐馬古今懷抱幾憑闌
平蕪日下黃雲合舊國人歸白鴈殘
謝傳東山意無限別來誰與共盤桓

其二

古驛征輶畫舫燈客途風景向秋澄
憶邊涼月經淮

甸枕上微鐘過廣陵草滿臺城山寂寂雨晴江寺塔
層層十年舊跡空回首幾度追陪夢裏登

次韻送史少叅

天闕新恩五月優地曹清望十年收麒麟不受奚官
鎖梁棟元須匠氏求巫峽暮雲通遠夢蜀江秋浪愜
豪遊錦官城外祠堂下應采蘋花薦武侯

席上分韻送穆子得情字

螢火萋微穿廣庭鍾聲杳藹度層城殊方客子三更
語南國佳人萬里情夜雨樓中聞鴈別秋風江上看

潮生兩都詞賦流傳美不似湘潭吊屈平

次韻送貞菴中丞巡視江防

際曉風帆映日斜客懷江水共無涯極知文事能兼
武最喜官程不離家農市會看刀買犢詩壇應夢筆
生花何人得似相如寵守令先驅擁使槎

畢司空宅夜宴留別

楚江叢蓍百花明巫峽峯堯萬里情用武空懷蜀丞
相牧民那遣魯書生山過赤壁磯猶在路轉黃州水
更清長憶春風別離地畫堂燈火夜三更

登鳳凰臺次李太白韻呈同遊諸公

苑中芳草玉珂遊苑外白雲晴日流多病未能拋短
杖有懷翻怯上高丘垂楊晚映秦淮水杜若春生謝
眺洲靈鳥不來阿閣迥酒闌空抱古今愁

遊華嚴寺

身近魯門家近齊散心隨處酒堪携端居頗覺閑於
鳥痛飲何妨醉似泥禪坐老僧窺牖覩宦遊行子入
林迷迂夫欲別還三笑錯認西河是虎溪

元世祖廟次王應詔韻

斷碑深倚廟門斜往事傷心付一嗟春草長沙仍牧
馬晚風踈樹偶栖鴉唐陵漢寢雖無主北幕南庭自
有家欲吊魯連何處取飛塵如雨亂鳴蛙

水關東北泛舟晚造希尹別業

隱隱輕雷動水西水東殘日抱晴霓女墻倒颭紅旗
影農屋斜連綠稻畦張相池臺烟漠漠閔公祠墓草
萋萋迴舟不盡登臨感却棹涼風過別溪

再至居庸

塞口重關愜素聞壑烟嵐雨鎮網緼椎吞巨海山形

斷秀壓中原地脉分鎖鑰還須寇丞相長城不用李
將軍倚窓時送東南目 雙闕蓬萊五色雲

蔣山次韻

病起尋芳郭外遊漢人祠廟蔣山頭千盤鳥道緣雲
轉五色龍江抱日流隔浦迥看帆宵宵步林時聽鹿
呦呦松阡積雨莎如鏃不有桃花宛是秋

登岱嶽次劉希尹韻二首

岱宗山秀百靈屯壁立烟霄萬古存幽府化機盤地
軸上清真氣接天門霞標日觀青松麗春透龍池碧

水溫薄暮振衣峰頂石蓬萊東眺海雲昏

其二

北上天門日未斜剛風吹我度崑崙仙人洞古留丹
鼎玉女祠高拱碧霞深澗千年猶凍雪陰厓四月始
桃花秦封漢禪俱牢落細讀穹碑感歲華

題陳氏水閣次韻二首

畫閣臨溪一舫如主人長日坐觀魚情知散冕非真
樂豈必江湖是隱居山影落杯浮白際水香侵硯草
玄餘春深即有移家約莫笑狂夫此意虛

其二

吟倚高樓傍檻西，碧窓回覽夕陽低。
雪消芳渚鷗爭泛，春到垂楊鳥自啼。
商舸近橋帆影亂，女墻如帶草痕齊。
停杯不盡興亡感，六代豪華水一溪。

正月晦日遊徐氏西園晚過杏花村遂登鳳臺

次韻蒲汀

芳時嘉侶共招尋，眺遠憑高快賞心。
城畔古丘封碧草，水邊遲日媚青林。
逢山雨霽千峰出，近郭烟浮萬井沉。
向晚欲歸還小立，關關幽鳥送春音。

登雨花臺

春日登臺覽舊邦，東南形勝果無雙。
川從楚蜀斜趨海，山起燕雲直跨江。
回首望鄉歌屢奏，側身懷古氣難降。
風花散落真如雨，不見高僧擁法幢。

內黃道中

黃池岸邊風起沙，江陵行客正思家。
即愁朱紱淹歸計，况對青林感物華。
南郡永懷丞相柏，東門誰種故侯瓜。
荒臺古苑經過地，落日時聞奏鼓笳。

宣城道中書事

路出荆門不斷山西通
巴塞北秦關四方群盜何時
息五月征夫且未閑
羊祜塚荒碑七尺武侯祠古屋
三間蒼涼雲日江村午愁絕
東流去不還

八月四日定齋侍御過我小軒索觀古刻左傳
及聖教序諸帖留詠次韻答之

舸屋親勞柱史登履痕新破石苔層踈簾不為看山
捲曲几還留聽雨凭左傳癖成憐晋客右軍書在感
唐僧停盃劇論懷千古坐對流雲思轉凝

宿石橋驛

冷雨淒風十月天
亂峰孤館入蒼烟
門前不改還鄉路
壁上猶題出守年
溪水平添荒堰沒
石橋橫斷古槎連
麻衣草坐蕭蕭暮
一度懷親一泫然

問史判乞奕子

出洞經年敵手稀
袖携仙譜日邊歸
枰留謝擊花陰
靜地隔商山草徑微
啼樹兩鳩俄並立
入簾風燕故斜飛
端居苦憶王樵侶
永晝雙開客寺扉

送幸菴

勁節清風壯此行
三秦歸路及秋晴
塵雲嶺暗朱旗

繞控虜城高玉劔橫中使遠尋裴相宅外夷時問令
公名水邊林下經行地笑對黃花賦濯纓

和泛池

輟耕常在水雲邊困即橫肱飽放船夢裏羽裳來白
鶴醉中簾幙是青天歸湖范老真忘世辟穀留侯假
學仙為問芙蓉最深處幾回吟對月華偏

謁文山祠

丞相英靈消未消絳帷燈火颭寒飈乾坤浩蕩身難
寄道路間關夢且遙花外子規燕市月水邊精衛浙

江湖祠堂亦有西湖樹不遣南枝向北朝

九日次杏東韻

庭喧兒稚亦堪怡况值黃花爛熳期地上晚罽收凍
蟹枕邊秋扇罷戎葵山亭月白眠長少水榭風清坐
屢移昨夜有人東國去已教先辦買山資

自述

新年處處常為客志在匡時那問家民病且慙無日
減主恩何敢向人誇閑來憤世心如火老去臨文
眼欲花春睡忽醒扶杖起夕陽天外數歸鴉

暮春病起寄懷希尹

院靜簾垂春日斜
藥爐茶鼎寄生涯
閑思舊侶空懷遠
病對芳辰轉憶家
簷畔落泥還燕子
檻邊飛絮且楊花
何時却捲圖書去
一放江門萬里槎

五言排律

遊仙詞贈李羽士擬初唐四子體

碧落新移牒
玄津晚繫槎
天臨北斗地
人住上清家
樹古金壇靜
花深玉洞斜
靈砂飛絳雪
仙醴注清霞
緱嶺音書密
函關道路遐
日明蒼鶴羽
風度紫鸞車

幾見桃成實
重聞海變沙
瑤窓禮星後
閑坐讀書華
賦得白鷺洲送柴墟儲中丞

路轉長干渡
洲傳白鷺名
滄波去不息
綠芷復叢生
隱隱江田抱
團團堰日明
鏃沙沉壁壘
堦堦隱臺城
湍古晴霓下
蒲深晝虎行
漁人牽網迹
商女踏歌聲
佳麗千年恨
豪華六代情
經過夕臨眺
誰並客舟橫
送金中丞赴延綏

上郡防胡切
中丞入陝遙
隼旂明曉甸
鏡吹轉春橋
二月花新綴
三川雪正消
北門來寇準
西極使班超

國仗和戎利人傳破膽謹按圖收地險堅壁阻天驕
禮樂欽儒將經綸翊 聖朝長城一身是詎數霍嫖

姚

送唐京兆送母還邵陽

奉詔還將母南歸樂未涯日明吳苑樹風引邵陵槎
萬里遙瞻 闕三湘近接家望灘懷孔雀臨洞識桃
花壽祝青山永書傳碧海遐趙張前史艷曾閔後人
誇去值桑蠶老迎看竹馬斜却憐春別苦飛絮滿江
沙

聽吳子談吳中事

吳子近南遊龍江復虎丘三分形勝地六代帝王州
望月晴臨嶠聽潮夜泛舟寶珠商女得靈劍海人求
去日靡蕪綠歸來齒蓄秋連宵話奇賞吾興亦雲浮

五言絕句

贈董啟之按滇過鄞省母夫人焚黃于父墓作

北堂天未晚遊子歸來早堂前一夜風開遍宜男草

送于利二首

送君城南橋咲折城南柳歸來掩關坐皎月當牕牖

其二

離腸似連環宛轉不可絕相送淮水秋相思燕地雪
送客

梁苑送君處溫風吹客衣盈盈春暮感不為落紅稀

雜畫

閉門聽春雨開門寡行旅借問橋上翁河水深幾許

畫上

經旬不出戶忘却城南道江亭細雨過一夜生春草

題畫

手種江頭樹成林已數秋寄言樵採客留繫木蘭舟

中秋慈恩寺登眺過崇國寺分體

寒月出關山秋窓白如曙空流雲中影不照雲中戍

西園

寒泉冽古井上有雙梧桐借問往來者誰知疏鑿功

泛南湖

碧樹圍青殿朱垣接紺堤王孫罕遊豫馳路草萋萋

雜咏

乳燕巢古堤流鶯度層閣試看白馬郎金丸向誰落

山中雜詩

下馬古寺門偶與山僧遇相對兩不言蟬聲在高樹
冬至上陵途中雜咏二首

蒼蒼土門口日出逢樵叟問爾何事來山中苦無酒
其二

月出東陵峰照見西陵樹何事同心子山中不相遇
同台峰熊侍御看花二首

借問雨中好何如晴後看錦江紅濕處應記獨憑闌
其二

室靜客稀賞地偏花更清自開還自落宛似野人情
六言絕句

送范侍御蘇山北上二首

隼旗低拂垂柳驄馬嬌嘶落花碣石春風萬里蘆溝
曉月千家

其二

生憎白日春去無奈黃鶯盡啼欲採芙蓉贈遠北湖
蓮葉初齊

七言絕句

迎鑾曲十首

孝陵千樹紫金山 王氣葱葱碧漢間
靈殿本無荒草入 掃除霜露始應還

其二

青龍山下虎蹄新 玄武湖中躍錦鱗
錯意 吾皇好 漁獵不知端訪後車人

其三

揚子江頭駐六師 太平天子賀功時
紅雲影亂黃龍艦 白日光搖繡虎旗

其四

弓如滿月向江開 箭插寒潮捲浪迴
水上鼉鼉莫深避 我皇元為射蛟來

其五

潮落江門煙水秋 雲帆八月過揚州
兩京馳道三千里 夾岸垂楊接御溝

其六

翩翩龍馬控琯戈 白日清秋沛上過
聖主守邊思 猛士臨風高詠大風歌

其七

九月南征九月迴清源黃菊趁時開何人得似行
宮蓋兩度親承萬壽杯

其八

瑟瑟金風鳴玉鑾路車何日到長安官河不似江濤
險只恐秋深白露寒

其九

疊鼓凝笳入禁中似聞韶樂奏南風通明殿啟秋
雲碧閣闔樓開曉日紅

其十

郊祀元君百禮先史文虛擬闕今年小臣曾讀三王
紀冬至由來始祭天

凱歌

日射江流生紫氛喧喧鐃吹隔江聞江頭巨石高千
尺好勒元戎破虜勲

秋日過西內團殿

御溝東畔古松盤曾得先皇倚笑看龍馭不歸鸞
吹香石廊圓殿鎮秋寒

谷灤江王中丞見懷之作

院臺深處綠陰屯松下棊枰竹下尊
苦憶去年歡賞地碧天如水月當門

贈楊撫軍

白馬香車度落花絳桃穠李避妍華
長安陌上歸來晚咲指龍樓是外家

贈長垣宗室

瑤室青編萬卷餘宮中誰道日閑居
家臣昨夜長安去猶問君王乞秘書

贈阮翁

眉際生毫似髮長採苓時到白雲鄉
閑來莫向桃源去恐有漁人識阮郎

次韻荅秦孟陽長史

塵滿紗帷舊業荒江都雲外暮蒼茫
清時不用天人策方朔詎諧侍武皇

諸友

濟水源南舜井旁月明曾共坐宵長
六春睽隔離江路五月相逢是帝鄉

送顧侍御出守馬湖二首

五月瀘州蕉葉黃武侯祠下水如湯行人莫惡南中
熱自有參天古柏長

其二

漢家夷路止牂牁相望龍湖路幾何聞說夜郎天更
遠潯陽李白亦經過

送蘇通判

天涯相見地曹郎郡閣清尊夜語長休向燈前易成
別江頭春水正茫茫

別湯萬戶

半生湖海識君遲可柰相逢是別期扁舟獨泛秋溪
水採得芙蓉欲贈誰

送呂二守西征

六月戎船上逆流書生彈鋏取封侯夜來羽檄江邊
過聞說西戎破劍州

客懷二首

鬢絲端為別兄皤魂夢其如道路何滇海萬峰秋鴈
少楚江千里月明多

其二

望遠時從郭外遊好登江閣與山樓
煙開碧樹通吳苑日落黃雲接楚丘

送雷州趙太守三首

詩人出守是尋常萬古心期一瓣香
若道雷州非樂土請君時到十賢堂

其二

海邦雲霧晝霏霏榕樹林中孔雀飛
驛騎忽傳天使到九重親賜玉環歸

其三

我在江陵望帝鄉登樓時恨楚天長
憐君更隔三千里嶺樹湖煙共渺茫

秋海棠

海棠花開秋雨霏休將遲暮怨芳菲
東園桃李盈千樹昨日穠華今日稀

向曹伯通乞白菊

節過重陽菊已殘倚霜欹露不勝寒
山堂正少黃金盞試看君家白玉團

晚雪

梅花枝上報初春
灤水源頭憶故人
天宇自清心自
白不知何處有紅塵

題家園風景圖

茗水羗山清更深
蕭蕭蘆渚間桑林
青楓樹裏三間
屋十載常懸萬里心

題墨萱

華髮當年倚笑看
北堂春色映朱闌
披圖彷彿慈顏
在零落霜風夜雨寒

教工部子發水亭次韻

曲徑回廊接圃深
竹窓松戶晚陰陰
幽花不阻三春
夢明月常懸萬里心

登仲萱樓次韻

蜀吳舟楫檻前經
萬里鄉心杳不扃
莫問興亡異時
事滿川斜日下空庭

觀城歌二首

朱旗繡斧兩昭回
南郡城池亦壯哉
明月樓中堪坐
嘯關山何處有塵埃

其二

睥睨連雲十二樓西南形勝數荊州
已教峴首為屏繞更遣巴江作帶流

題賈園二首

灤水橋西一畝宮小窓香度碧荷風
老夫野性無拘束便欲移家向此中

其二

樹繞園亭水漫池西溪風物最宜詩
即教痛飲成深醉莫遣空懸別後思

湖上雜興

水岸風迴晚更涼菰蒲零亂拂衣裳
扁舟莫到花深處恐礙波心片月光

山行即事

陵署青青生午煙山渠瀟瀟響春泉
白頭宮監松林下閑說英皇北狩年

草場

牧馬場邊首着香回龍宮外樹蒼蒼
當年駿骨今何處曾被金鞍侍武皇

柳塘雜興二首

御溝東畔柳成林 御水盈盈十里陰
白馬青衫橋上客 春來多少故園心

其二

塘煙漠漠水迢迢 搖蕩春風幾萬條
不傍舞地只愁宮女妬 纖腰御園歌

鹿門山

龐公舊隱鹿門山 近在襄城漢水間
石洞草荒無路入 夕陽時見鳥飛還

習池

習家池上草萋萋 流水成渠稻作畦
山簡不來遊客散 居人猶唱白銅鞮

峴山

大樹蕭蕭白日寒 羊公祠下獨凭欄
尋常一種青山石 長使行人灑淚看

大堤

大堤女兒花見羞 大堤楊柳映青樓
金壺滿注樊城酒 醉殺狂夫不解愁

棟塘歌

棟塘老人塘上遊颯颯西風吹素秋記得看花三四
月滿塘紅紫映波流

浙人自遼囊父襯返莖感其事為賦

客衣零落髮毛班迢迢沙場負骨還三尺古碑千載
恨曹娥江上水潺潺

插秧歌

紅石岡頭夜雨晴湖田水滿接堤平行人欲問年豐
儉試向田中聽鼓聲

曉起口號

春眠不柰鳥聲催起立荒園傍古槐恠底幽尋苦無
力夢中曾上故山來

聞董汝卿喪內

草堂雙燕壘新巢坐感琴絲理斷膠麥飯一壺香一
瓣此情何處哭芳郊

吳竹齋惠藥品

六月漳河艤客舟小曹閒卧白雲秋憐君饋藥如康
子不療山翁四海憂

薛汝茂乞蓮栽

薛家池中千葉蓮出波今已疊青錢分栽不為看花
色要向山窓聽雨眠

竹店鋪候高生不至

行盡荒山更涉溪故人聞說在城西空庭月午車馬
寂惟有鷓鴣深樹啼

壽歌

西園十月菊花黃花底流泉水亦香汲水採花宵釀
酒晚筵傾入萬年觴

